



Na osnovu Programa utroška budžetskih sredstava u 2023. godini (Subvencije privatnim poduzećima i poduzetnicima) usvojenog Zaključkom Vlade Zeničko-dobojskog kantona, broj: 02-11-5915/23 od 11.04.2023. godine, a u skladu sa Zakonom o poticanju razvoja male privrede („Službene novine Zeničko-dobojskog kantona“, broj: 7/16 i 7/20) i članovima 12. i 13. Uredbe o uvjetima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu/gospodarstvo raspisuje:

JAVNI POZIV

za prikupljanje zahtjeva za odobravanje i dodjelu finansijskih sredstava namijenjenih za subvencioniranje (regresiranje) kamata po kreditima odobrenim u 2021. , 2022. i 2023. godini po osnovu Kreditno-garancijskog fonda Vlade Zeničko-dobojskog kantona

1. Pozivaju se korisnici kredita, po „Javnom pozivu za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona sa ciljem financiranja njihove poslovne aktivnosti na području Zeničko-dobojskog kantona, a koji se realizira preko ASA Banke d.d. Sarajevo, da podnesu Zahtjev za odobravanje i dodjelu finansijskih sredstava za subvencioniranje (regresiranje) kamata po kreditima odobrenim u periodu 2021. – 2023. godina po osnovu Kreditno-garancijskog fonda.
2. Subvencionirat će se ukupan iznos obračunate i uplaćene kamate za period 2021. - 2023. godina, zaključno sa studenim 2023. godine, na kredite malih i srednjih privrednih društava koji su odobreni u periodu 2021. - 2023. godina po osnovu „Javnog poziva za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona koji se realizira preko ASA banke.
3. Pravo korištenja ovih finansijskih sredstava imaju privredna društva, korisnici kredita, a koja:
 - dostave uredne zahtjeve u utvrđenom roku,
 - po odobrenom kreditu uredno vraćaju kredit (uplaćuju rate i/ili kamate),
 - imaju odobren kredit, po raspisanom „Javnom pozivu za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona sa ciljem financiranja njihove poslovne aktivnosti na području Zeničko-dobojskog kantona, a koji se realizira preko ASA Banke d.d. Sarajevo.
4. Uz Zahtjev za odobravanje finansijskih sredstava (Obrazac broj 1.), korisnici kredita, dužni su dostaviti sljedeće priloge (original ili ovjerena kopija):
 - Ugovor s ASA Bankom d.d. Sarajevo o odobrenom kreditu s otplatnim planom kredita na ime podnosioca zahtjeva. Iz Ugovora mora biti vidljivo da je kredit dodijeljen namjenski u skladu sa „Javnim pozivom za podnošenje zahtjeva za odobravanje kredita namijenjenih poslovnim aktivnostima privrednih društava na području Zeničko-dobojskog kantona“,
 - Potvrdu ASA Banke d.d. Sarajevo o redovnoj otplati kredita i uplaćenim kamatama sa iznosom uplaćenih kamata za period 2021. - 2023. godina,
 - Uvjerenje komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva.
5. Nakon uredne otplate rata i/ili kamata za odobreni kredit, Korisnik kredita zahtjeve za refundaciju kamata može podnositi najkasnije do 30.11.2023. godine.
6. Ministarstvo za privredu/gospodarstvo zadržava pravo provjere svih podataka navedenih u dostavljenoj dokumentaciji podnosioca zahtjeva.
7. Po uredno prispjelim Zahtjevima, na osnovu kriterija naznačenih u Javnom pozivu, Komisija vrši ocjenjivanje prijave. Komisija sačinjava listu podnosilaca prijave koji nisu uvršteni na listu potencijalnih korisnika (sa navođenjem razloga neuvrštanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste

na web stranici Kantona. Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona.

8. Vlada Kantona može opozvati donesene odluke zavisno od dinamike priliva budžetskih sredstava.
9. Na osnovu odluke o odobravanju finansijskih sredstava, Ministarstvo za privredu/gospodarstvo podnosi naloge za isplatu sredstava Ministarstvu financija Zeničko-dobojskog kantona.
10. U postupku po Javnom pozivu Ministarstvo ne snosi nikakve troškove učesnika Javnog poziva. Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj. Dostavljena dokumentacija se ne vraća podnosiocu prijave.
11. Zahtjeve iz točke 4. Javnog poziva sa prilogima, podnosioci zahtjeva moraju dostavljati u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se osobno na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
Ministarstvo za privredu/gospodarstvo
KOMISIJA ZA OCJENU ZAHTJEVA ZA ODOBRAVANJE I DODJELU FINANCIJSKIH
SREDSTAVA NAMJENJENIH ZA SUBVENCIONIRANJE (REGRESIRANJE) KAMATA PO
KREDITIMA ODOBRENIM U PERIODU 2021. - 2023. GODINA PO OSNOVU KREDITNO-
GARANCIJSKOG FONDA
VLADE ZENIČKO-DOBOJSKOG KANTONA
Kučukovići br. 2
72000 Zenica
S naznakom: "NE OTVARATI"

Prijave dostavljene drugim putem (npr. putem faksa ili e-mail), neće biti uzete u razmatranje.

10. Javni poziv ostaje otvoren do 20.07.2023. godine i bit će objavljen na web stranici Zeničko-dobojskog kantona (www.zdk.ba) i krajnji rok za dostavljanje zahtjeva je 30.11.2023. godine.

Ministarstvo za privredu/gospodarstvo će sa podacima iz zaprimljene dokumentacije postupati u skladu sa propisima o zaštiti osobnih podataka.